

“Hududiy elektr tarmoqlari” акциядорлик жамияти Ягона акциядорининг 2-сонли қарори

2021 йил 26 апрел

Тошкент шаҳри

“Hududiy elektr tarmoqlari” АЖ томонидан чиқарилган ва жойлаштирилган акциялар 84 984 790 095 донани ташкил этади.

“Hududiy elektr tarmoqlari” АЖнинг барча овоз берувчи акциялари Ўзбекистон Республикаси Молия вазирлигига тегишли бўлиб, ушбу вазирлик Жамиятнинг Ягона акциядори ҳисобланади.

Ушбу қарор Ўзбекистон Республикасининг “Акциядорлик жамиятлари ва акциядорларнинг ҳуқуқларини ҳимоя қилиш тўғрисида”ги Қонунининг 58-моддасига асосан қуйидаги масалалар юзасидан қабул қилинди:

1. “Hududiy elektr tarmoqlari” АЖнинг ижро аппарати янги тузилмасини тасдиқлаш тўғрисида.

Кун тартибидаги масала юзасидан:

Оммавий ахборот воситаларининг фаолияти учун максимал даражада қулай шароитлар яратиш, давлат ва жамият ўртасида сифатли мулоқотни йўлга қўйиш, аҳолига ислохотларнинг мақсади, вазифалари ва натижалари ҳақида тезкор, холис ва тўлиқ ахборот етказиш, давлат ва хўжалик бошқаруви органлари, маҳаллий давлат ҳокимияти органлари фаолияти шаффофлигини ошириш, шунингдек, уларнинг жамоатчилик билан ўзаро ҳамкорлик алоқаларини ва ахборот хизматлари фаолиятининг самарадорлигини тубдан яхшилаш мақсадида Ўзбекистон Республикаси Президентининг “Оммавий ахборот воситалари мустақиллигини таъминлаш ҳамда давлат органлари ва ташкилотлари ахборот хизматлари фаолиятини ривожлантириш бўйича қўшимча чора-тадбирлар тўғрисида”ги 2019 йил 27 июндаги ПҚ-4366-сон қарори қабул қилинган.

Шу билан бирга, мазкур қарорнинг 4-бандида давлат органлари ва ташкилотлари ахборот хизматлари раҳбарлари бир вақтнинг ўзида давлат органи ва ташкилоти раҳбарининг матбуот котиби ҳисобланиб, ахборот сиёсати масалалари бўйича раҳбарнинг маслаҳатчиси мақомига эга бўлиши ва ташкилот раҳбарининг ўринбосарига тенглаштирилиши белгиланган.

Ўз навбатида, “Hududiy elektr tarmoqlari” АЖ ижро аппаратининг амалдаги тузилмаси Жамият Ягона акциядорининг 2020 йил 7 декабрдаги 7-сон қарори билан тасдиқланган бўлиб, ўнга кўра бошқарув ходимларининг умумий сони 110 та этиб белгиланган.

Шу билан бирга Ўзбекистон Республикаси Президентининг 2019 йил 27 июндаги ПҚ-4366-сон қарори ижросини тўлақонли таъминлаш мақсадида Жамият Бошқарув раисининг матбуот котиби - ахборот сиёсати масалалари бўйича маслаҳатчиси лавозимини ташкил этилишини назарда тутган “Hududiy elektr tarmoqlari” АЖ ижро аппаратининг янги тузилмаси лойиҳаси Жамият

штатлар жадвали доирасида (бошқарув ходимларининг умумий сони 110 тадан ошмаган ҳолда) ишлаб чиқилди.

Ўзбекистон Республикаси «Акциядорлик жамиятлари ва акциядорларнинг ҳуқуқларини ҳимоя қилиш тўғрисида»ги Қонунининг 59-моддасига биноан акциядорлик жамиятининг ташкилий тузилмасини тасдиқлаш масаласи акциядорларнинг умумий йиғилиши (ёки барча овоз берувчи оддий акциялари эгаси) ваколатига киришини инобатга олиб, “Hududiy elektr tarmoqlari” АЖнинг Ягона акциядори, **қарор қилади:**

1. “Hududiy elektr tarmoqlari” АЖнинг ижро аппаратининг янги тузилмаси иловага мувофиқ тасдиқлансин.

2. “Hududiy elektr tarmoqlari” АЖ Бошқаруви раиси У.М.Мустафоевга Жамият ижро аппаратининг янги тузилмасидан келиб чиқиб, Жамиятнинг штатлар жадвалига тегишли ўзгартиришлар киритиш ишларини амалга ошириш топширилсин.


3. Белгилаб қўйилсинки “Hududiy elektr tarmoqlari” АЖ Бошқарув раисининг матбуот котиби - ахборот сиёсати масалалари бўйича маслаҳатчиси Ўзбекистон Республикаси Президенти Администрацияси ҳузуридаги Ахборот ва оммавий коммуникациялар агентлиги ёки унинг ҳудудий бўлинмалари ҳулосасини ҳисобга олган ҳолда лавозимга тайинланади ва ҳар уч йилда Агентликда аттестациядан ўтади.

Ўзбекистон Республикаси
Молия вазирининг
биринчи ўринбосари



О.Насритдинходжаев

**«Худудий электр тармоқлари» АЖ ижро аппарати
 Тузилмаси**



Бошқарув ходимларининг умумий сони – 110 та.

*техник ва хизматчи ходимларининг умумий сони қонунчиликда белгиланган меъёрларга мувофиқ белгиланади.

** Бошқарув раиси Ўзбекистон Республикаси Энергетика вазирлиги билан келишилган ҳолда ходимлар сонининг умумий миқдори доирасида штатлар жадвалига ўзгартиришлар киритишга ҳақли.